



Broj: 01-116/19
Vareš, 30.05. 2019. godine

Z A P I S N I K
sa 26. sjednice Općinskog vijeća Vareš,
održane 29.04. 2019. godine

Predsjedavajući OV pozdravio je sve prisutne.

U svoje lično ime i u ime Općinskog vijeća, čestito je svim građanima 1. svibanj – Međunarodni praznik rada, građanima pravoslavne vjeroispovijedi blagdan Vaskrs, građanima islamske vjeroispovijedi nadolazeći mjesec Ramazana i vijećnici Fadili Turki brz oporavak.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Đemo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

Odsutni: Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 26. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, pomoćnik Općinskog načelnika – gosp. Ermin Musa, rukovodilac JURA – gosp. Rusmir Berberović, direktor i predsjednik Skupštine JKP d.o.o Vareš – gosp. Zafer Kamenjaš i gosp. Grga Vukančić, direktor i predsjednik Skupštine JP „Vareš-stan“ d.o.o Vareš – gosp. Ivan Miletović i gosp. Senad Dramalija, direktorica JU Centar za socijalni rad Vareš – gosp. Nihada Gondžo, komandir PVJ – gosp. Izudin Muftić, ispred Službe za privredu, finansije i trezor – gosp. Jadranka Radoš, zastupnica u Skupštini ZDK – gosp. Vedrana Dugonjić, predsjednici političkih partija i predstavnici medija.

Tajnik OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 25. sjednice OV održane 27.03.2019. godine. Na 25. sjednici doneseno je pet (5) zaključaka, tri (3) zaključka su realizirana a dva (2) su u toku realizacije. Postavljeno je devet (9) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće o redovnim aktivnostima organa uprave kao i o aktivnostima u vezi realizacije Odluke o kreditnom zaduženju. Informirao je prisutne da je Općina Vareš sa UniCredit bankom realizirala kredit, dugovanje prema Poreskoj je izmireno (uplaćena je glavnica bez kamata, skinute su hipoteke sa nekretnina). Zahvalio se Vijeću na jednoglasnoj podršci prilikom donošenja Odluke o kreditnom zaduženju, zahvalio se i UniCredit banci i skrenuo pažnju na poštivanje uredne otplate kredita.

(Vijećnička pitanja)

Vijećnička pitanja

Elvir Rožajac

1. U ime mještana MZ Daštansko postavio je pitanje kako oni mogu biti dio sustava Elektrodistribucije Zenica (imaju problem sa velikim iznosima računa). Traži da se odgovori građanima, ako postoji mogućnost.
2. Vlada kantona Sarajevo je voljna pomoći u projektima elektrifikacije, moli se Načelnik da sa službama pripremi projekte. (dao je pojašnjenje)

Kruno Ridić

3. Postoji li mogućnost da se organizira jedna akcija čišćenja u Vareš Majdanu, da se ukloni ruglo ostavljeno kod „Pera“ i Parlamenta ?
4. Imate li informaciju da li je na vodovodu Pogar završen projekat?

Mirnes Ajanović

5. Da li se može izvršiti sanacija puta Vareš Majdan – Planinica?

Nikola Šimić

6. Trebalo bi posvetiti pažnju prokresu stabala na lokalnim cestama , te sanirati sve ovo što je zima donijela.
7. Javna rasvjeta je u jako lošem stanju, pogotovu ulica Nikovac koja je već neko vrijeme bez rasvjete, građani negoduju. Da li se nešto može uraditi po tom pitanju ?

Adis Čizmo

8. Da li će i kada će biti nastavak radova na dječijem igralištu ?
9. Mještani su zabrinuti zbog istresanja smeća, konkretno staklenih flaša, staklene vune, pvc pločica, brine ih uticaj na floru i faunu, da li se može uraditi nešto povodom toga ?

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 25. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 25. sjednice OV i nakon izjašnjavanja vijećnika konstatira da je **jednoglasno sa (16 glasova „ZA“)** (odsutni vijećnici: Anel Muftić i Đemo Kevrić) **usvojen Zapisnik sa 25. sjednice OV.**

Predsjedavajući OV stavio je na raspravu prijedlog dnevnog reda za 26. sjednicu OV koji je usaglašen na Kolegiju Općinskog vijeća.

Predsjedavajući OV upoznao je Vijeće da je zamjenik općinskog pravobranioca dostavio pismenu obavijest da iz opravdanih razloga ne može prisustvovati današnjoj sjednici OV na kojoj je planirano razmatranje Izvještaja o radu Općinskog pravobranilaštva Općine Vareš za 2018. godinu. S tim u vezi, a u skladu sa Poslovníkom o radu OV, predsjedavajući OV predložio je da se povuče točka 1. „Izvještaj o radu Općinskog pravobranilaštva Općine Vareš za 2018. godinu“ sa dnevnog reda 26. sjednice OV. Ista će se razmatrati na jednoj od narednih sjednica kada bude prisutan predlagáč.

Predsjedavajući OV stavio je na izjašnjavanje prijedlog dnevnog reda 26. sjednice OV sa predloženom izmjenom.

Nakon izjašnjavanja predsjedavajući OV konstatira da je prijedlog dnevnog reda 26. sjednice OV **jednoglasno sa (16 glasova „ZA“)** (odsutni vijećnici: Anel Fatić i Đemo Kevrić) **usvojen sljedeći**

Dnevni red

1. Izvještaj o poslovanju JKP d.o.o. Vareš za 2018. godinu
Izjavitilac: Direktor i Skupština JP.
2. Izvještaj o radu i finansijskom poslovanju JP „Vareš-stan“ d.o.o. Vareš za 2018. godinu
Izjavitilac: Direktor i Skupština JP.
3. Prijedlog Odluke o usvajanju Strategije razvoja i unapređenja socijalne zaštite na području općine Vareš za period 2019-2024. godine.
Izjavitilac: Općinski načelnik i direktorica JU Centar za socijalni rad Vareš.
4. Prijedlog Rješenja o prestanku prava upravljanja na nekretninama upisanim na pravnom licu „Tvornica rezervnih dijelova“ d.d. Vareš, u korist Općine Vareš.
Izjavitilac: Ermin Musa.
5. Prijedlog Odluke o izmjeni Odluke o izboru stalnih radnih tijela Općinskog vijeća Vareš.
Izjavitilac: Sekretar OV.
6. Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.
Izjavitilac: Općinski načelnik.

7. Prijedlog Zaključka o davanju saglasnosti Općinskom načelniku da sa Društvom za inženjering i proizvodnju SEAN TECH BOSNIA d.o.o. Vareš može zaključiti Ugovor o produženju Ugovora o zakupu poslovnog objekta „Centralne radionice“. Izvjestilac: Općinski načelnik.
8. Informacija o realiziranim projektima deminiranja kao i preostaloj sumnjivoj površini na području općine Vareš za 2018.godinu. Izvjestilac: Ibrahim Spahić
9. Informacija o stanju opremljenosti Profesionalne vatrogasne jedinice Općine Vareš i DVD na području općine Vareš. Izvjestilac: Ibrahim Spahić
10. Informacija o stanju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi. Izvjestilac: Općinski načelnik.
11. Informacija o zimskom održavanju lokalnih i regionalnih puteva i gradskih ulica. Izvjestilac: Ermin Musa
12. Tekuća pitanja.

Ad. 1.

(Izveštaj o poslovanju JKP d.o.o. Vareš za 2018. godinu.)

Otvorena je rasprava u kojoj su iznijeli svoja mišljenja, stavove, prijedloge i pitanja vijećnici: Kruno Ridić, Emir Islamović, Safeta Muftić, Mirnes Ajanović, Branko Romić, Elvir Rožajac i Mario Mirčić.

Općinski načelnik Zdravko Marošević u svom obraćanju izjavio je da podržava diskusije vijećnika da JKP d.o.o. Vareš treba pomoć Općine u vezi nabavke mehanizacije za zimsko održavanje puteva. Upoznao je prisutne da je obavio razgovor sa direktorom JKP d.o.o. Vareš o potencijalnom rješenju tog problema, odnosno načinu nabavke potrebne mehanizacije. Odgovorio je na neka pitanja vijećnika postavljena u raspravi.

U daljnjoj raspravi su učestvovali: vijećnik Mirnes Ajanović (replika), Općinski načelnik Zdravko Marošević, predsjedavajući OV Adis Čizmo (u vezi diskusije vijećnice Safete Muftić koja se odnosi na problem zimskog održavanja gradskih ulica-trotoara, predložio je da Vijeće pod točkom 11. Informacija o zimskom održavanju lokalnih i regionalnih puteva i gradskih ulica, donese zaključak o održavanju sastanka sa Direkcijom za ceste prije potpisivanja novog ugovora o zimskom održavanju).

Za riječ se javio predsjednik Skupštine JKP d.o.o. Vareš Grga Vukančić i u svom obraćanju upoznao prisutne sa poslovanjem JKP d.o.o. Vareš i određenim poteškoćama sa kojima se u svom radu susreće ovo poduzeće.

Direktor JKP d.o.o. Vareš Zafer Kamenjaš obratio se prisutnima i svom obraćanju dao je odgovore na postavljena pitanja vijećnika koja se odnose na vodovode, održavanje lokalnih cesta, čišćenje trotoara, odlaganje smeća, dugovanje Općine prema JKP d.o.o. Vareš, stanje mehanizacije u poduzeću i dr. Sugerirao je da je potrebno napraviti presjek stanja na

svim putevima da se točno utvrdi koji je to minimum poslova koji se trebaju uraditi kako bi se put stavio u adekvatnu funkciju. O istom je dao pojašnjenje.

Zaključena je rasprava i predsjedavajući OV stavio je na izjašnjavanje Izvještaj o poslovanju JKP d.o.o. Vareš za 2018. godinu.

Nakon izjašnjavanja vijećnika predsjedavajući OV konstatira da je **jednoglasno (sa 18 glasova „ZA“) prihvaćen**

Izvještaj o poslovanju JKP d.o.o Vareš za 2018. godinu.

Ad. 2.

*(Izvještaj o radu i finansijskom poslovanju
JP „Vareš-stan“ d.o.o. Vareš za 2018. godinu.)*

Otvorena je rasprava u kojoj su iznijeli svoja mišljenja, stavove prijedloge i primjedbe vijećnici: Kruno Ridić, Mirnes Ajanović, Safeta Muftić, Elvir Rožajac, Emir Islamović, Mario Mirčić, Elvir Rožajac (replika), Mario Mirčić (replika), Đemo Kevrić, predsjedavajući OV Adis Čizmo i Općinski načelnik Zdravko Marošević.

Učesnici u raspravi su uz dobronamjerne kritike skrenuli pažnju na dugogodišnji problem alternativnih dimnjaka, potrebu da preduzeće krene prema otvorenom tržištu u traženju dodatnih poslova, veću angažiranost menadžmenta i Nadzornog odbora u iznalaženju rješenja kako poboljšati poslovanje poduzeća, bolju komunikaciju između kućnih savjeta i poduzeća, obaveze i prava vlasnika stanova i sl.

Za riječ se javio direktor javnog poduzeća gosp. Ivan Miletović i u svom obraćanju odgovorio je na pitanja vijećnika koja se odnose na stanje dimnjaka, hidrofleksa, fasada na stambenim objektima, prihodima i rashodima poduzeća. Skrenuo je pažnju na firmu Telemach koja je instalirala svoju opremu na zgradama (krovovima) i prilikom svojih radova oštetila krovove (nije upoznat da li su dobili suglasnost stanara za postavljanje opreme).

Zaključena je rasprava i predsjedavajući OV stavio je na izjašnjavanje Izvještaj o radu i finansijskom poslovanju JP „Vareš-stan“ d.o.o Vareš za 2018. godinu.

Nakon izjašnjavanja vijećnika predsjedavajući OV konstatira da je **sa 15 glasova „ZA“ i 3 glasa „PROTIV“ prihvaćen**

*Izvještaj o radu i finansijskom poslovanju
JP „Vareš-stan“ d.o.o Vareš za 2018. godinu.*

Ad.3.

(Prijedlog Odluke o usvajanju Strategije razvoja i unapređenja socijalne zaštite na području općine Vareš za period 2019-2024.godine.)

Predlagač nije imao dodatno pojašnjenje za ovu točku dnevnog reda.

Otvorena je raspravu u kojoj su svoje stavove, mišljenja i pitanja iznijeli vijećnici: Kruno Ridić, Elvir Rožajac, Mirnes Ajanović, Emir Islamović, Safeta Muftić i Mario Mirčić.

Direktorica JU Centar za socijalni rad Vareš u svom obraćanju dala je odgovore na postavljena pitanja vijećnika u raspravi u vezi izrade „socijalne karte“ općine Vareš i ugroženim kategorijama stanovništva. Upoznala je prisutne o stanju socijalne zaštite i pravima određenih kategorija stanovništva kada je ista u pitanju.

Zaključena je rasprava i predsjedavajući OV stavio je na izjašnjavanje Prijedlog Odluke o usvajanju Strategije razvoja i unapređenja socijalne zaštite na području općine Vareš za period 2019-2024. godine.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“)** usvojena

Odluka o usvajanju Strategije razvoja i unapređenja socijalne zaštite na području općine Vareš za period 2019-2024. godine.

Ad.4.

(Prijedlog Rješenja o prestanku prava upravljanja na nekretninama upisanim na pravnom licu „Tvornica rezervnih dijelova“ d.d. Vareš, u korist Općine Vareš.)

Predlagač nije imao dodatno pojašnjenje za ovu točku dnevnog reda.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Rješenja o prestanku prava upravljanja na nekretninama upisanim na pravnom licu „Tvornica rezervnih dijelova“ d.d. Vareš, u korist Općine Vareš.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“)** usvojeno

Rješenje o prestanku prava upravljanja na nekretninama upisanim na pravnom licu „Tvornica rezervnih dijelova“ d.d. Vareš, u korist Općine Vareš.

Ad.5.

(Prijedlog Odluke o izmjeni Odluke o izboru stalnih radnih tijela Općinskog vijeća Vareš.)

Predlagač nije imao dodatno pojašnjenje za ovu točku dnevnog reda.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatira da je **sa 16 glasova „ZA“ i 2 „SUZDRŽANA“ glasa** usvojena

Odluka o izmjeni Odluke o izboru stalnih radnih tijela Općinskog vijeća Vareš.

Ad.6.

(Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.)

Ispred predlagača Rusmir Berberović rukovodilac JURA-e dao je dodatno pojašnjenje za ovu točku dnevnog reda.

Otvorena je rasprava u kojoj su učestvovali vijećnik Kruno Ridić (postavio pitanje u vezi rekonstrukcije javne rasvjete na području općine Vareš) i Rusmir Berberović koji da dao odgovor na postavljeno pitanje.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.

Nakon izjašnjavanja vijećnika predsjedavajući OV konstatira da je **jednoglasno sa (18 glasova „ZA“) usvojen**

Zaključak o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš

Ad.7.

(Prijedlog Zaključka o davanju saglasnosti Općinskom načelniku da sa Društvom za inženjering i proizvodnju SEAN TECH BOSNIA d.o.o. Vareš može zaključiti Ugovor o produženju Ugovora o zakupu poslovnog objekta „Centralne radionice“.)

Predlagač nije imao dodatno pojašnjenje za ovu točku dnevnog reda.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Zaključka o davanju saglasnosti Općinskom načelniku da sa Društvom za inženjering i proizvodnju SEAN TECH BOSNIA d.o.o. Vareš može zaključiti Ugovor o produženju Ugovora o zakupu poslovnog objekta „Centralne radionice“.

Nakon izjašnjavanja vijećnika predsjedavajući OV konstatira da je **sa 17 glasova „ZA“ i 1 „SUZDRŽANIM“ glasom usvojen**

Zaključak o davanju saglasnosti Općinskom načelniku da sa Društvom za inženjering i proizvodnju SEAN TECH BOSNIA d.o.o. Vareš može zaključiti Ugovor o produženju Ugovora o zakupu poslovnog objekta „Centralne radionice“.

Predsjedavajući OV dao je stanku u trajanju od 20 minuta.

Nastavljeno je sa radom sjednice.

Ad.8.

(Informacija o realiziranim projektima deminiranja kao i preostaloj sumnjivoj površini na području općine Vareš za 2018. godinu.)

Predlagač nije imao dodatno pojašnjenje za ovu točku dnevnog reda.

Otvorena je rasprava u kojoj su svoja mišljenja, stavove i pitanja iznijeli vijećnici: Kruno Ridić (da li će se do 2025. godine uspjeti izvršiti deminiranje površina na našoj općini i tko određuje prioritete), Elvir Rožajac (potrebno obnoviti table na mjestima gdje nije izvršeno deminiranje) i Đemo Kevrić (skrenuo pažnju na potrebu označavanja minskog polja u reonu Slavina).

Općinski načelnik Zdravko Marošević u svom obraćanju dao je dodatno pojašnjenje za ovu tačku dnevnog reda i naglasio potrebu deminiranja u naseljenim mjestima i mjestima gdje se ljudi bave poljoprivredom i turizmom. Problem su odbačena minsko-eksplozivna sredstva. Ove godine će se pokušati izvršiti deminiranje kriznih područja. Deminiranje ne zavisi samo od Općine, nego i od nadležnih u kantonu i državi.

Zaključena je rasprava i predsjedavajući OV uz **Zaključak konstatira da je Vijeće primilo k znanju**

Informaciju o realiziranim projektima deminiranja kao i preostaloj i sumnjivoj površini na području općine Vareš za 2018. godinu.

Ad.9.

(Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.)

Predlagač nije imao dodatno pojašnjenje za ovu točku dnevnog reda.

Otvorena je rasprava u kojoj je učestvovao predsjedavajući OV Adis Čizmo koji je uputio sugestiju u vezi opremljenosti PVJ i zamolio Općinskog načelnika da se PVJ opremi sa motorolama. O istom je dao pojašnjenje.

Općinski načelnik Zdravko Marošević u svom obraćanju izjavio je da sa pomoćnikom načelnika za Civilnu zaštitu pokušava popraviti stanje opremljenosti PVJ. Iznio je mišljenje o opremljenosti i radu PVJ kao i potrebnim aktivnostima koje PVJ treba da sprovodi.

Komandir PVJ gosp. Izudin Muftić u svom obraćanju upoznao je prisutne da je u toku priprema izrade plana za vježbu koja će se održati krajem svibnja mjeseca tekuće godine (Hitna pomoć, Crveni križ, Policijska stanica, Osnovna škola).

Zaključena je rasprava i predsjedavajući OV uz **Zaključak konstatira da je Vijeće primilo k znanju**

Informaciju o stanju opremljenosti Profesionalne vatrogasne jedinice Općine Vareš i DVD na području općine Vareš.

Ad.10.

(Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.)

Predsjedavajući OV izvijestio je prisutne da iz opravdanih razloga sjednici neće prisustvovati šefica Biroa za zapošljavanje Vareš gosp. Jasna Svinčicki-Operta.

Otvorena je rasprava u kojoj su svoja mišljenja i stavove iznijeli vijećnici: Safeta Muftić (upoznala prisutne sa određenim podacima prijavljenih zaposlenika na našoj općini) i Đemo Kevrić.

Općinski načelnik Zdravko Marošević u svom obraćanju upoznao je prisutne o određenim problemima u vezi zaposlenosti i otvaranju novih firmi na našoj općini i blagom porastu broja zaposlenih. O istom je dao dodatno pojašnjenje.

Zaključena je rasprava i predsjedavajući OV konstatira uz **Zaključak da je Vijeće primilo k znanju**

Informaciju o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.

Ad.11.

(Informacija o zimskom održavanju lokalnih i regionalnih puteva i gradskih ulica.)

Predlagač nije imao dodatno pojašnjenje za ovu točku reda.

Otvorena je rasprava u kojoj su svoja mišljenja, sugestije i pitanja iznijeli vijećnici: Kruno Ridić (sugerisao na uspostavi telefonske info službe kako bi mještani MZ mogli se informirati o terminima čišćenja njihovih puteva), Elvir Rožajac i Đemo Kevrić.

Općinski načelnik u svom obraćanju dao je dodatna pojašnjenja i odgovore na pitanja koja se odnose na prioritete zimskog održavanja i troškove istog.

Predsjedavajući OV je na osnovu diskusija u raspravi i ranijih rasprava na sjednicama Vijeća i Kolegija u vezi problema zimskog održavanja regionalnog puta predložio i stavio na izjašnjavanje sljedeći:

Zaključak:

Tražiti održavanje sastanka u vezi problema zimskog održavanja sa Direkcijom za ceste i Kantonalnim ministarstvom. Sastanku bi bili prisutni Općinski načelnik, predstavnici Općinskog vijeća i direktor JKP d.o.o Vareš. Zaključak uputiti Direkciji za ceste, nadležnom ministarstvu, a i na znanje Vladi i Skupštini Ze-do kantona.

Nakon izjašnjavanja vijećnika predsjedavajući OV konstatira da je **jednoglasno** (sa **17 glasova „ZA“**) (odsutna vijećnica Ilhana Fatić) **usvojen predloženi Zaključak i primljena k znanju**

Informacija o zimskom održavanju lokalnih i regionalnih puteva i gradskih ulica

Ad.12
(*Tekuća pitanja*)

Predsjedavajući OV upoznao je prisutne sa pristiglom poštom:

1. Informacijom o strukturi i ostvarenim prihodima poljoprivredne proizvodnje na području općine Vareš za 2018. godinu, broj: 02-556/19 od 17.04. 2019. godine dostavljenu od Općinskog načelnika (informativno na traženje Vijeća na 25. sjednici OV)
2. Obavijesti broj: 02/4-44-1-268/19 od 15.04.2019. godine o realiziranom Zaključku donesenom na 25. sjednici OV u vezi obavještavanja i upoznavanja javnih poduzeća o obavezama koje proizilaze iz Zakona o zaštiti od požara i vatrogastvu.
3. Informacijom Ministarstva za poljoprivredu, šumarstvo i vodoprivredu Ze-do kantona broj: 02-25-6706-4/19 od 22.04.2019. godine u vezi dostavljanja izvještaja o utrošku transferiranih sredstava od koncesija u 2018. godini.
4. Informacijom JKP d.o.o. Vareš, broj: 281-04/19 od 25.04.2019. godine u vezi potrebe izrade akata zaštitnih zona za javno vodosnabdijevanje.

Općinski načelnik Zdravko Marošević uputio je čestitke vjernicima islamske vjeroispovijedi nastupajući mjesec Ramazana, vjernicima pravoslavne ispovijedi Blagdan Vaskrs i svim građanima 1. maj – Međunarodni praznik rada.

Sastavni dio ovog Zapisnika je audio zapis sjednice.

Sjednica je završena u 19,15 sati.

TAJNIK

Leon Pavlović

ZAPISNIČAR

Azra Pijadžer

**PREDSJEDAVALJUĆI
OPĆINSKOG VIJEĆA**

Adis Čizmo